



Broj: 05-05-31737/17
Sarajevo, 16.11.2017.godine

1378

SKUPŠTINA KANTONA SARAJEVO
- o v d j e -

n/r prof. Ana Babić, predsjedateljica

PREDMET: Dostava odgovora na zastupnička pitanja – zastupnik Edin Forto

Zastupnik u Skupštini Kantona Sarajevo, Edin Forto, na 33. Radnoj sjednici Skupštine Kantona Sarajevo, održanoj dana 02.10.2017. godine, u okviru tačke Dnevnog reda "Zastupnička pitanja, inicijative i odgovori", u skladu sa Poslovníkom Skupštine Kantona Sarajevo, postavio je zastupnička pitanja, kako slijedi:

- "1. Tražimo informaciju od KJP Zaštićena područja o gradnji putne komunikacije koja se provodi na Skakavcu u području Uževica - podnožje Skakavca;*
- 2. Tražimo informaciju o provođenju Plana aktivnosti na ovom ali i svim ostalim zaštićenim područjima u nadležnosti KJP Zaštićena područja;*
- 3. Zašto nam niste odgovorili na inicijativu za proglašenje Barica zaštićenim područjem?"*

ODGOVOR:

Odmah po zaprimanju akta Skupštine KS vezano za postavljena zastupnička pitanja, dana 20.10.2017. godine Ministarstvo prostornog uređenja, građenja i zaštite okoliša (u daljem tekstu: Ministarstvo) obratilo se Kantonalnoj javnoj ustanovi za zaštićena prirodna područja (u daljem tekstu: KJU) zahtjevom za izjašnjenje na ista. Odgovor KJU broj: 907-1/17 od 09.11.2017. godine Vam dostavljamo u prilogu ovog akta, u kome je i Ministarstvo dalo osvrt na svako pitanje pojedinačno.

1. Tražimo informaciju od KJP Zaštićena područja o gradnji putne komunikacije koja se provodi na Skakavcu u području Uževica - podnožje Skakavca

Kada je u pitanju Spomenik prirode "Skakavac", KJU sve aktivnosti na ovom zaštićenom području realizuje u skladu sa Zakonom o proglašenju šireg područja vodopada "Skakavac" Spomenikom prirode ("Službene novine Kantona Sarajevo", broj 11/10), Prostornim planom posebnog područja prirodnog naslijeđa "Vodopad Skakavac" ("Službene novine Kantona Sarajevo" broj 11/10) i Odlukom o provođenju Prostornog plana posebnog područja prirodnog naslijeđa "Vodopad Skakavac" ("Službene novine Kantona Sarajevo" br. 11/10 i 38/16), kao i Planom upravljanja Spomenikom prirode "Skakavac" ("Službene novine Kantona Sarajevo", broj 18/11), Zakonom o zaštiti prirode ("Službene novine Federacije BiH", broj 66/13), te ostalim zakonskim i podzakonskim propisima koji se primjenjuju na pomenuti prostor.

U kontekstu postavljenog upita potrebno je navesti i opredjeljenja Prostornog plana posebnog područja prirodnog naslijeđa "Vodopad Skakavac" i Odluke o njegovom provođenju, u kojima su



utvrđene, opisane i grafički prikazane pješačke staze među kojima se nalazi i predmetna staza koja vodi ka podnožju vodopada trasom ispod postojećeg puta, a počinje kod ulaza pod Uževicom. Za stazu je navedeno, da predstavlja posebno zahtjevnu trasu za pripremu i održavanje, te ju je u tom smislu potrebno markirati, djelomično urediti, odnosno u skladu sa općim mjerama zaštite prilagoditi ciljanoj posjeti. Takođe, Prostornim planom se podrazumijeva da će ova staza, kao i sve planirane biti održavane i osigurane u mjeri i obimu bezbjednog prolaska posjetilaca, u širini ovisno od terenskih prilika, a što bi sve skupa trebalo dovesti do boljeg pristupa podnožju vodopada, unaprijeđenja bolje protivpožarne zaštite, te generalno kvalitetnijeg održavanja ovog dijela SP "Skakavac".

2. Tražimo informaciju o provođenju Plana aktivnosti na ovom ali i svim ostalim zaštićenim područjima u nadležnosti KJP Zaštićena područja

Informacije o provođenju planova aktivnosti u zaštićenim područjima su sastavni dio godišnjeg izvještaja o radu i finansijskom poslovanju KJU, koji se dostavlja Skupštini Kantona Sarajevo na razmatranje i usvajanje.

Takođe, kada je u pitanju provođenje planova upravljanja svih zaštićenih područja koja su u nadležnosti KJU, ističemo da je u saradnji sa Zavodom za zaštitu kulturno – historijskog i prirodnog naslijeđa i odabranim izrađivačem u toku 2016. i 2017. godine realizovan Projekat "Analize stanja (revizija konzervacijskog statusa) i prijedlog mjera zaštite za sve evidentirane pojedinačne spomenike prirodne baštine, sa analizom stanja zaštićenih područja Kantona Sarajevo". Naime, Analiza stanja zaštićenih područja Kantona Sarajevo je urađena s ciljem utvrđivanja stepena realizacije predloženih aktivnosti u okviru planova upravljanja SP "Skakavac", SP "Vrelo Bosne" i ZP "Bijambare", a koji predstavljaju osnovni organizacioni i ekonomski instrument za dugoročno očuvanje registrovanih prirodnih vrijednosti i korištenje svih usluga i dobrobiti ekosistema (osiguranje prirodnih resursa, ostvarivanje dobrobiti lokalne zajednice i dr.).

Pored toga, identifikovane su i navedene aktivnosti koje nisu bile predviđene planovima upravljanja, a koje je upravitelj realizovao shodno potrebama posjetilaca svakog zaštićenog područja i koje su u konačnici obezbijedile bolju posjećenost i kvalitetniji boravak. S druge strane, istaknuto je da je potpuna realizacija određenih aktivnosti uslovljena finansijskim, tehničkim i humanim kapacitetima u sistemu upravljanja, a navedeni su i opravdani razlozi zbog kojih pojedine aktivnosti u sva tri zaštićena prirodna područja nisu mogle biti realizovane.

Pored navedenog, istim projektom je obuhvaćeno preispitivanje i utvrđivanje kategorije zaštite navedenih područja u skladu sa novim Zakonom o zaštiti prirode ("Službene novine FBiH", broj 66/13), a na bazi analize i procjene stanja biodiverziteta kako u sadašnjim granicama obuhvata tako i u okolnim uticajnim područjima, te su uz adekvatna stručna obrazloženja predložene nove mjere po pitanju rješavanja utvrđenih nedostataka, proširenja obuhvata zaštićenih područja, promjene kategorije zaštite i dr. Ministarstvo je početkom oktobra tekuće godine organizovalo prezentaciju i stručnu raspravu o predloženim mjerama iz Projekta, a na kojoj su bile pozvane sve relevantne institucije na federalnom, kantonalnom i općinskom nivou.

Na kraju, bitno je napomenuti da će urađena analiza biti od značaja budući da će naše Ministarstvo u narednom periodu otpočeti sa aktivnostima na odabiru izrađivača novih planova upravljanja SP "Vrelo Bosne" i ZP "Bijambare", s obzirom da istim ističe rok na koji su doneseni.

3. Zašto nam niste odgovorili na inicijativu za proglašenje Barica zaštićenim područjem?

Ministarstvo se nije moglo ranije referisati na Inicijativu za proglašenje lokaliteta Barice zaštićenim područjem, budući da nam ista nije zvanično ni dostavljena.

Ipak, ukazaćemo na nekoliko bitnih činjenica i zakonskih odredbi kada je u pitanju uspostavljanje zaštite novih prirodnih područja i/ili pojedinačnih prirodnih vrijednosti. Naime, postupak proglašavanja zaštićenih prirodnih vrijednosti definisan je Federalnim Zakonom o zaštiti prirode. S tim u vezi, članom 145. propisano je, da se svaki zakon o proglašenju zaštite nekog područja zasniva na



stručnom obrazloženju, kojim se utvrđuju vrijednosti područja ili komponente prirode koja se predlaže za zaštitu, način upravljanja tom prirodnom vrijednošću, ocjenu i izvore potrebnih sredstava za provođenje mjera zaštite i dr.

Priprema i izrada stručnog obrazloženja za svako područje prirodnog naslijeđa je u nadležnosti Zavoda za zaštitu kulturno-historijskog i prirodnog naslijeđa Kantona Sarajevo (u daljem tekstu: Zavod), kao formalnog predlagača zaštite prirodnih vrijednosti u Kantonu. Inače, uspostava zaštićenih područja može se provoditi uz saglasnost općinskih vijeća na čijim teritorijama se prema prostornom planu prostire zaštićeno područje, a granice istog se utvrđuju u skladu sa relevantnim dokumentima prostornog uređenja.

U Odluci o izmjenama i dopunama Odluke o provođenju Prostornog plana Kantona Sarajevo za period 2003. do 2023. godine ("Službene novine Kantona Sarajevo", broj 22/17) utvrđeno je, da će kantonalna institucija nadležna za zaštitu kulturno-historijskog i prirodnog naslijeđa (konkretno Zavod) u roku od 4 godine od usvajanja Izmjena i dopuna Prostornog plana KS za period 2003. do 2023.g. ("Službene novine Kantona Sarajevo", broj 22/17) izvršiti reviziju i revalorizaciju prostornih prirodnih cjelina, njihovih prirodnih i ostalih vrijednosti, utvrditi neophodan tretman vrijednosti prostora kao i kategorije i režime zaštite, a rezultat revizije treba da bude i ocjena mogućnosti proglašenja pojedinih područja zaštićenim, imajući pri tom posebno u vidu bonitet prirodnih vrijednosti odnosnih prostora, kao i sagledavanje uticaja drugih funkcija prostora kao oblasti planiranja.

Kako je Ozren jedna od prirodnih cjelina koja je utvrđena u Prostornom planu KS (ukupne površine od 7.166 ha), ista bi trebala biti obuhvaćena pomenutom revizijom i revalorizacijom. U tom slučaju bi se dalo i određenje prema lokalitetu Barice, naravno pod pretpostavkom da je isti uključen (djelom ili u potpunosti) u pomenutu prirodnu cjelinu, a što bi sve skupa trebalo rezultirati jasnim smjernicama u smislu mogućnosti proglašenja i ovog područja zaštićenim, na način i po proceduri koja je propisana Federalnim Zakonom o zaštiti prirode.


S poštovanjem,

Prilog:

- Odgovor KJU za zaštićena prirodna područja

Dostaviti:

- ☺ Naslov
- Stručna služba Vlade Kantona Sarajevo, ovdje
- Evidencija
- a/a



MINISTAR

Cedomir Lukić, dipl.ing.arh.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029, Fax: + 387 (0) 33 562-031
Sarajevo, Reisa Džemaludina Čauševića 1





Broj : 507-1 /17

Datum : 08. 11. 2017 godina

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO**

**MINISTARSTVO PROSTORNOG UREĐENJA, GRAĐENJA
I ZAŠTITE OKOLIŠA**

N/r : Ministra

PREDMET : Odgovor na zahtjev za izjašnjenje Zastupnička pitanja Edina Forte

Poštovani,

Zastupnik Edin Forte je na 33. Radnoj sjednici Skupštine Kantona Sarajevo, postavio zastupnička pitanja:

1. Tražimo informaciju od KJU za zaštićena prirodna područja o gradnji putne komunikacije koja se provodi na Skakavcu u području Uževice - podnožje Skakavac.

➤ **Odgovor Kantonalne javne ustanove za zaštićena priroda područja**

Kantonalna javna ustanova za zaštićena prirodna područja je sa Federalnim ministarstvom okoliša i turizma potpisala Ugovor za sufinansiranje projekta "Razvoj turističke infrastrukture na prostorima zaštićenih prirodnih područja Kantona Sarajevo" koji je podržan i od strane Ministarstva prostornog uređenja, građenja i zaštite okoliša Kantona Sarajevo.

Cilj projekta je da se u skladu sa Planovima upravljanja izvrši uređenje zaštićenih prirodnih područja u smislu unaprjeđenja razvoja turizma i rekreacije, te je u tom pravcu planirana izgradnja i uspostava jedne od glavnih pješačkih - turističkih šetnica na prostoru Spomenika prirode „Skakavac“.

Unutar pomenutog područja prostorno planskom dokumentacijom su definisane površine namjenjene za pješačke staze koje bi služile u cilju obilaska i rekreativnih posjeta na ovom području. Istim dokumentom je naglašeno da će planirane i opisane staze biti održavane i osigurane u mjeri i obimu bezbjednog prolaska posjetilaca u širini ovisno od terenskih prilika.

Planom upravljanja Spomenikom prirode Skakavac, naglašeno je da ovo područje treba da bude, pored definisanih režima zaštite, uključeno i u turističku privredu i naučno – obrazovnu funkciju Kantona Sarajevo i cijele zemlje i to kroz razvoj i unapređenje ekoturističkih potencijala na nivou organiziranih i planskih turističkih posjeta .

Sve aktivnosti koje su zacrtane u Planu upravljanja Spomenikom prirode "Skakavac" se provode prema strategiji koja je definirana akcionim planovima i smjernicama za njihovu realizaciju.

Smjernicama koje su date za razvoj Ekoturizma, a koji se odnosi na uspostavu turističkih staza (III.1.2.2.), je između ostalog navedeno "...neophodno je pripremiti idejna rješenja za uređenje pješačkih staza na području Spomenika prirode "Skakavac" i izraditi potrebnu dokumentaciju za izgradnju novih staza. Dio staza, posebno onih koje vode ka vodopadu Skakavac, treba organizovati kao edukacijske staze za posjetioce."

Za uređenje ove staze završena je izrada glavnog projekta koji je definisao količine i vrste potrebnih radova, a koji su vezani za optimalizaciju staze u smislu bezbjednog pristupa podnožju vodopada, unaprjeđenja bolje protivpožarne zaštite, kao i samog održavanja ovog dijela prostora.

Da bi se postigao kontinuitet staze, početak rekonstrukcije je planiran od lokaliteta Uževica koji se nalazi van obuhvata zaštićenog područja, nakon ulaska u granice zaštićenog područja , a u zavisnosti od režima zaštite, staza je tretirana u dvije cjeline.

Dio koji se proteže kroz II zaštitnu zonu je planiran da bude širine koja bi omogućila lakšu protivpožarnu zaštitu, kao i samo održavanje ovog dijela prostora (Plan upravljanja navodi da se planira podizanje građevinske infrastrukture posebne namjene radi postizanja primarnih efekata zaštite i uravnoteženog upravljanja zaštićenim područjem - dozvoljena izgradnja potrebne protivpožarne infrastrukture).

U dijelu koji se nalazi u I zaštićenoj zoni (nukleusu) i u kojem se primjenjuju stroge mjere zaštite, planiran je minimalan nivo aktivnosti i one se odnose isključivo na uređenje pješačke staze u smislu bezbjednog pristupa vodopadu. Širina ovog dijela staze ne bi trebala prelaziti 1,50 m.

Projektom je predviđena i odvodnja površinskih voda, čime bi se otklonio osnovni uzrok njenog propadanja. Ostale intervencije podrazumijevaju optimizaciju staze u smislu bezbjednosti pješaka, a to podrazumijeva i montažu sigurnosnih ograda na mjestima gdje je to potrebno , stabilizacija škarpi i sl.

Kako je dužina kompletne dionice cca 3 800 m, podloga će na pojedinim mjestima ("blatnjavim mjestima"), biti popunjena kamenom frakcijom, dok će dio koji je inače procjedan ostati u izvornom stanju.



Bankine za sprječavanje odvijanja saobraćaja će biti postavljene na ulazu u zaštićeno područje, jer se radi o stazi kojom se neće odvijati saobraćaj.

Duž predmetne staze planira se i postavljanje drvenih klupa za odmor, kao i informativnih / edukacionih tabli, kao dio planinskog mobilijara.

Napominjemo, da je Ustanova kroz dugogodišnje upravljanje ovim prostorom stekla dovoljno saznanja o potrebama i zahtjevima koji se odnose na dogoročno očuvanje i promociju ovog prostora, te je i samo pokretanje ove aktivnosti prvenstveno bilo usmjerano da se omogući sigurniji i ugodniji pristup svim posjetiocima ovog prostora, kao i uspostava adekvatnije kontrole i održavanja ovog dijela prostora.

2. Tražimo informacije o provođenju Plana aktivnosti na ovom ali i svim ostalim zaštićenim područjima u nadležnosti KJP zaštićena područja.

➤ Odgovor Kantonalne javne ustanove za zaštićena prirodna područja

Djelatnost Kantonalne javne ustanove za zaštićena prirodna područja je zaštita, održavanje i promocija zaštićenih područja, obezbjeđivanje odvijanja prirodnih procesa i održivog korištenja prirodnih i kulturno-historijskih dobara, te nadzor nad provođenjem uslova i mjera zaštite zaštićenih područja.

Javna ustanova upravlja Spomenikom prirode "Skakavac", Spomenikom prirode "Vrelo Bosne", Zaštićenim pejzažem "Bijambare", Zaštićenim pejzažem "Trebević" I Zaštićenim pejzažem "Bentbaša" u skladu sa propisima o proglašenju zaštićenih prirodnih područja, prostornim planovima područja posebnih obilježja, planovima upravljanja i drugim propisima. Ujedno, Javna ustanova vrši nadzor nad obavljanjem dozvoljenih djelatnosti u područjima, u cilju osiguranja racionalnog i održivog korištenja prirodnih dobara.

Kantonalna javna ustanova radi na osnovu Programa rada za 2017.godinu za zaštićena područja koji je usklađen sa raspoloživim finansijskim sredstvima iz Budžeta Kantona Sarajevo za tekuću godinu, ostvarenim i planiranim vlastitim prihodima kao i odobrenim finansijskim sredstvima po apliciranim projektima.

➤ Zaštita, održavanje i očuvanje prirodnih vrijednosti

Očuvanje zaštićenih prirodnih vrijednosti bazira se na zakonom propisanim uslovima i mjerama zaštite, kao i dopuštenim aktivnostima u zaštićenim područjima.

Planirane aktivnosti za livadske, vodne i šumske ekosisteme u 2017. godini odvijace se u skladu sa ustaljenim procedurama koje su definisane zakonskim i podzakonskim propisima.



Na osnovu podzakonskih dokumenata iz oblasti lovstva, Javna ustanova planira izradu i donošenje ovog planskog dokumenta za razdoblje od 10 godina, kojim će osigurati zaštitu osnovnih vrsta divljači, kao i brigu o drugim životinjskim vrstama koje obitavaju u prostoru.

Projekat je završen i dostavljen Ministarstvu privrede Kantona Sarajevo od koga je dobio saglasnost na Program zaštite divljači.

U okviru navedenog planirane su aktivnosti na uspostavi i nastavku sljedećih monitoringa:

- Ispitivanje (monitoring) otpadnih voda: Spomenika prirode „Vrelo Bosne“ i Zaštićenog pejzaža „Bijambare“. **Realizacija po Ugovoru**
- Kontrola kvaliteta vode za piće: Zaštićeni pejzaž „Bijambare“ i Spomenik prirode „Skakavac“. **Realizacija po Ugovoru**
- Zdravstveni monitoring labudova i drugih rezidentnih vodenih vrsta ptica na području Spomenika prirode „Vrelo Bosne“. **Izvršen nalaz zdravstvenog stanja labudova.**
- Ispitivanje (monitoring) zemljišta na području Spomenika prirode „Vrelo Bosne“. **Izvršeno ispitivanje zemljišta.**
- Monitoring šišmiša Zaštićenog pejzaža „Bijambare“- nastavak aktivnosti. **Monitoring traje do kraja 2018.godine.**
- Procjena zdravstvenog stanja šumskih ekosistema na zaštićenim prirodnim područjima. **Realizacija po Sporazumu.**

➤ **Realizacija projekata/aktivnosti koje su odobrene od strane drugih institucija**

Naziv projekta: „Inventarizacija, populacijski i zdravstveni status velikih zvjeri i drugih vrsta na području Spomenika prirode Skakavac“

Pomenuti projekat bi se realizovao u saradnji sa Veterinarskim fakultetom Univerziteta u Sarajevu koji je kao kvalifikovana institucija sa relevantnim iskustvima iz ove oblasti sačinio i projektni zadatak.

Cilj projekta je provesti inventarizaciju, populacijski i zdravstveni status velikih zvjeri (medvjedi, vukovi) i drugih vrsta na području spomenika prirode „Skakavac“. Na osnovu utvrđenog cilja provele bi se i aktivnosti na provođenju edukacije interesnih skupina, organizacija predavanja i javnih tribina, kao i izrada promotivnog materijala i objava rezultata istraživanja u naučnim časopisima. **Projekat je u fazi realizacije.**

Naziv projekta: „Usluge ekosistema kraških zaštićenih područja - pokretačka snaga lokalnog održivog razvoja (“Ecosystem services of karst protected areas – driving force of local sustainable development ECO KARST”)

Glavni cilj projekta je doprinos zaštiti i održivom razvoju kraških biokoridora na osnovu njihove vrijednosti usluga ekosistema. Iz ovog cilja proističu specifični ciljevi kao što su efikasno upravljanje kraškim biokoridorima kroz razvoj praktičnog znanja, lokalna valorizacija usluga ekosistema, poboljšanje lokalnog socio-ekonomskog razvoja (LSD) na zaštićenim područjima kraških biokoridora, a koja se temelji na održivom korištenju usluga ekosistema.

Projekat će trajati od 2017 do 2019.godine. **U toku realizacije.**

➤ **Realizacija projekata/aktivnosti koje su odobrene od strane drugih institucija**

Naziv projekta: "Razvoj turističke infrastrukture na prostorima zaštićenih prirodnih područja Kantona Sarajevo"

Cilj projekta je da se izvrši uređenje zaštićenih prirodnih područja u smislu unapređenja i razvoja turizma i rekreacije.

U tom pravcu planirana je izgradnja i uspostava jedne od glavnih planinskih – turističkih šetnica na prostoru Spomenika prirode „Skakavac“, kao i plansko postavljanje šumskog/parkovskog mobilijara u okviru sva četiri zaštićena područja koja su pod formalno pravnom zaštitom u Kantonu Sarajevo.

Sredstva za sufinansiranje projekta su odobrena i uplaćena u 2016. godini od strane Federalnog ministarstva okoliša i turizma. **Projekat je završen.**

Naziv projekta: "Elektrifikacija Zaštićenog pejzaža Bijambare"

Cilj aktivnosti je elektrifikacija dijela zaštićenog područja i međusobno povezivanje pojedinih lokaliteta i postojećih objekata unutar samog prostora. Planiranjem adekvatnog osvjetljenja na uspostavljenim komunikacijama na dijelu prostora koji je predviđen za turističke posjete poboljšat će se i sama turistička ponuda ovog područja.

U početnoj fazi realizacije.

➤ **Razvoj infrastrukture u zaštićenim područjima**

U cilju unapređenja zaštićenih prirodnih područja javlja se potreba za pokretanjem aktivnosti koje bi vodile kvalitetnijoj uspostavi turističke infrastrukture uz očuvanje prirodnog naslijeđa i uvažavanje planiranih mjera zaštite koje su predviđene za pojedine zone zaštite. Dio aktivnosti koje su navedene, planirano je realizovati putem odobrenog projekta za koji je potpisan Ugovor o implementaciji odobrenih sredstava za sufinansiranje projekata zaštite prirode u Federaciji BiH sa Federalnim ministarstvom okoliša i turizma.

U 2017. godini su predviđene slijedeće aktivnosti prikazane u tabelarnom pregledu:

- rekonstrukcija pješačke staze pod vodopad Skakavac; **U završnoj fazi.**

Pored održavanja infrastrukture, aktivnosti se provode i na održavanju i sitnim popravkama pokretne i nepokretne imovine.

➤ Promocija područja

Obilježavanje značajnih ekoloških datuma na zaštićenim područjima

Javna ustanova potiče informisanje javnosti o zaštiti prirode i njezinom očuvanju putem medija, predavanja i izdavačke djelatnosti, te izvještava o prirodnim vrijednostima radi njihovog posjećivanja u cilju obrazovanja, razgledanja i rekreacije.

Radi promocije zaštite prirodnih vrijednosti Javna ustanova planirala je:

- organizaciju i izvedbu stručnih savjetovanja i drugih oblika podučavanja i promocije zaštite prirode.
- organizaciju, odnosno izradu različitih promotivnih materijala u vezi zaštite prirode i anketiranja posjetilaca,
- saradnju s ekološkim i drugim udruženjima, osnovnim i srednjim školama,
- saradnju s fakultetima i studentima.

U cilju promocije zaštićenih područja, Javna ustanova je i tokom 2017. godine, u saradnji s osnovnim i srednjim školama Kantona Sarajevo i drugim pravnim osobama kao i medijima, obilježila prigodne datume organizovanjem odgojnih, obrazovnih, rekreativnih, stručnih i drugih aktivnosti kojima se na primjeren način potiču i promovišu zaštićena područja.

Kao i do sada, Javna ustanova je obilježila važne datume za zaštitu prirode:

Planirani događaji	Stepen izvršenja
Svjetski dan šuma (21. mart),	100%
Svjetski dan voda (22. mart),	100%
Dan planete Zemlje (22. april),	100%
Evropski dan parkova (24.maj),	100%
Svjetski dan zaštite okoliša (5. juni),	100%
Evropski dan bez automobila (21. septembar),	100%
Dan zaštite od požara- oktobar	100%